



Adresa: **Ul. H. Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-1/21-3-40-452-3/25**

Datum: **26.11.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica «AME» d.o.o. Breza za donošenje rješenja o vodnoj dozvoli za ispuštanje tehnoloških otpadnih voda i oborinskih onečišćenih voda sa lokacije benzinske stanice sa pratećim sadržajima «AME» – Podružnica Vogošća, izgrađene u ulici Igmanska 6A, općina Vogošća, na osnovu člana 109. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu «AME» d.o.o. Breza daje se vodna dozvola za ispuštanje tehnoloških otpadnih voda i oborinskih onečišćenih voda sa lokacije benzinske stanice sa pratećim sadržajima «AME» – Podružnica Vogošća, izgrađene na zemljištu označenom kao k.č. broj 1655, 1654, 1656/1, 1653/2, 1652/1, 1651/2 i dio k.č. broj 1657/3 K.O. Vogošća (novi premjer), što odgovara k.č. broj 1050/9, 1050/11, 1050/12, 1050/4, 1050/15 i 1050/2 K.O. Gornja Vogošća (stari premjer), općina Vogošća.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na lokaciji objekta i pod slijedećim uslovima:
 - 3.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
 - 3.2. Da se skladištenje nafte i naftnih derivata vršiti u dvoplašnim čeličnim podzemnim rezervoarima ukupne zapremine $V=200 \text{ m}^3$, kao i skladištenje TNP-a u nadzemnom rezervoaru zapremine 10 m^3 .
 - 3.3. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
 - 3.4. Da se obezbijedi nesmetano prikupljanje oborinskih onečišćenih voda sa platoa oko istakališta, saobraćajnih i manipulativnih površina sistemom slivnih rešetki i da se putem interne kanalizacione mreže prikupljene vode odvedu do objekta za tretman otpadnih voda (tipski separator nafte i naftnih derivata), a zatim preko okna za monitoring priključen na ispust izveden u upojni bunar.
 - 3.5. Tehnološke otpadne vode sa lokacije interne autopraonice, koja se koristi za vlastite potrebe, prikupljati putem slivne rešetke u taložnik, a zatim te vode odvesti do tipskog separatora i preko kontrolnog okna odvesti do ispusta u upojni bunar.
 - 3.6. Korisnik poslovnog objekta je obavezan da izgrađene objekte, a čija svrha je odvođenje i prečišćavanje onečišćenih voda, redovno održava i koristi na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.
 - 3.7. Prečišćena otpadna voda mora ostati u maksimalno dopuštenim granicama definiranim Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 3.8. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva na osnovu člana 64. stav (3) Zakona o vodama i Pravilnika o uslovima koje moraju ispunjavati ovlaštene laboratorije i sadržini i načinu izdavanja ovlaštenja («Službene novine Federacije BiH», broj 14/10, 14/3, 26/14, 15/17,

- 23/17 i 41/20), vršiti redovna ispitivanja kvaliteta otpadnih voda, uzimanjem uzorka efluenta iz dva kontrolnog okna, u skladu sa Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
- 3.9. Čišćenje separatora i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa lokacije predmetne benzinske stanice može vršiti isključivo firma ovlaštena za tu vrstu djelatnosti, prema sklopljenom ugovoru.
 - 3.10. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, prosipanja motornog ulja, kako bi se spriječilo moguće onečišćenje voda i tla (materijal za upijanje: piljevina, prikladni adsorbensi, odgovarajuće posude, uređaji za pretakanje i sl.).
 - 3.11. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH”, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH”, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove vodne dozvole korisnik objekta «AME» d.o.o. Breza je dužan provoditi sve mjere i aktivnosti propisane istom.
 6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
 7. Ukoliko uslijed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na lokalitetu i objektima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
 10. Prije isteka važnosti ove vodne dozvole, vlasnik, odnosno korisnik objekta je dužan da podnese zahtjev za izdavanje nove vodne dozvole.
 11. Ovo rješenje može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice «AME» d.o.o. Breza se pismenim putem obratio ovoj Agenciji sa zahtjevom za donošenje rješenja o vodnoj dozvoli za ispuštanje tehnoloških otpadnih voda i oborinskih onečišćenih voda sa lokacije benzinske stanice sa pratećim sadržajima «AME» – Podružnica Vogošća, izgrađene na zemljištu označenom kao k.č. br. 1655, 1654, 1656/1, 1653/2, 1652/1, 1651/2 i dio k.č. broj 1657/3 K.O. Vogošća (novi premjer), što odgovara k.č. broj 1050/9, 1050/11, 1050/12, 1050/4, 1050/15 i 1050/2 K.O. Gornja Vogošća (stari premjer), općina Vogošća.

U provedenom postupku dostavljena je i pregledana slijedeća dokumentacija:

- Ovjerena kopija Aktuelnog izvoda iz sudskog registra Općinskog suda u Zenici subjekta upisa „AME” d.o.o. Breza, broj: 043-0-RegZ-25-002966 od 22.09.2025. godine;
- Ovjerena kopija uvjerenja o poreznoj registraciji za „AME” d.o.o. Breza, izdatog od strane Porezne uprave – Kantonalni ured Zenica dana 13.09.2005. godine;
- Kopija Rješenja o izmjenjenoj Urbanističkoj saglasnosti za izgradnju pumpne stanice za snabdijevanje tečnim gorivima sa pratećim sadržajima, donesenim od strane Službe za urbanizam, prostorno planiranje, građenje, imovinsko pravne i stambene poslove Općine Vogošća, broj: 05-23-5787/07 dana 12.11.2007. godine;

- Kopija Dopunskog Rješenja donesenog od strane Službe za urbanizam, prostorno planiranje, građenje, imovinsko pravne i stambene poslove Općine Vogošća, broj: 05-23-5742/06 dana 22.11.2007. godine;
- Kopija Rješenja o odobrenju za izvođenje radova na izgradnji pumpne stanice za snabdjevanje tečnim gorivom, dato od strane Službe za urbanizam, prostorno planiranje, građenje, imovinsko pravne i stambene poslove Općine Vogošća, broj: 05-23-1485/06 dana 12.09.2006. godine;
- Kopija izmjenjenog Rješenju - odobrenje za građenje, donesenog od strane Službe za urbanizam, prostorno planiranje, građenje, imovinsko pravne i stambene poslove Općine Vogošća, broj: 05-23-5742/07 dana 23.11.2007. godine;
- Kopija Rješenja kojim se utvrđuje da se predmetna benzinska pumpna stanica kao tehnički ispravna može koristiti, donesenog od strane Službe za urbanizam, prostorno planiranje, građenje, imovinsko pravne i stambene poslove Općine Vogošća, broj: 05-23-5480/07 dana 12.11.2007. godine;
- Kopija odgovora datog od strane Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo, da za predmetnu stanicu nije potrebno ishodovati okolišnu dozvolu, niti provesti postupak prethodne procjene utjecaja na okoliš, broj: 05-19-1367/22 dana 10.03.2023. godine;
- Kopija Rješenja o vodnoj dozvoli donesenog od strane Agencije za vodno područje rijeke Save Sarajevo, broj: UP-I/25-3-40-490-3/20 dana 26.11.2020. godine;
- Kopija Rješenja o vodnoj dozvoli donesenog od strane Ministarstva privrede Kantona Sarajevo, broj: 07-06-21-13590/23 dana 28.11.2023. godine;
- Kopija ugovora o izvođenju radova zaključenog između „AME“ d.o.o. Breza i „DELTA PETROL“ d.o.o. Kakanj na čišćenju separatora i septičke jame i odvozu otpadnog mulja i taloga sklopljenog 21.04.2025. godine;
- Kopija Izvještaja o monitoringu kvaliteta i kvantiteta otpadnih voda benzinske pumpe i autopraonice «AME» - P.J. Vogošća, juni i decembar 2024. godine i juni 2025. godine , urađen od strane «Inspekt-RGH» d.o.o Sarajevo;
- Glavni projekat (knjiga 3B) – benzinska stanica sa pratećim sadržajima, urađen od strane „ARHITEKT“ d.o.o. Zenica, august 2006. godine;
- Dokaz o uplaćenju upravnoj pristojbi

Postupajući po podnesenom zahtjevu, u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22), ovaj organ je pokrenuo upravni postupak, te je dana 06.11.2025. godine izvršen pregled predmetne benzinske stanice sa pratećim sadržajima, o čemu je sačinjen Zapisnik o uviđaju broj: UP-1/21-3-40-452-2/25.

Na osnovu pregleda projektne i druge dostavljene dokumentacije i izvršenog uviđaja na predmetnoj lokaciji utvrđeno je sljedeće:

Objekat predmetne benzinske stanice sa pratećim sadržajima izgrađen je u ulici Igmanska 6A u Vogošći, na zemljištu označenom kao k.č. broj 1655, 1654, 1656/1, 1653/2, 1652/1, 1651/2 i dio k.č. broj 1657/3 K.O. Vogošća (novi premjer), što odgovara k.č. broj 1050/9, 1050/11, 1050/12, 1050/4, 1050/15 i 1050/2 K.O. Gornja Vogošća (stari premjer), općina Vogošća. Prikupljanje oborinskih onečišćenih voda sa lokacije benzinske stanice vrši se sistemom izgrađenih slivnika sa slivnom rešetkom i odvodi na tretman u tipski separator nafte i naftnih derivata, a zatim se prečišćene vode preko okna za monitoring upuštaju u upojni bunar. Tehnološke otpadne vode sa lokacije interne autopraonice motornih vozila. Koja se koristi za vlastite potrebe, se prikupljaju putem linijskih slivnih rešetki u taložnik, odvođe internom kanalizacionom mrežom na tretman u tipski separator, a zatim preko okna za monitoring odvođe i upuštaju u upojni bunar. Skladištenje nafte i naftnih derivata vrši se u dvoplašnim podzemnim čeličnim rezervoarima ukupne zapremine 200 m³. Skladištenje TNP-a se vrši u nadzemnom rezervoaru zapremine 10 m³.

Na osnovu pregleda projektne dokumentacije, utvrđenog činjeničnog stanja i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i prava na vode dodijeljena drugim korisnicima, podnosiocu zahtjeva su ovom vodnom dozvolom u tački 3. dispozitiva Rješenja, propisani uslovi kojih se dužan pridržavati pri korištenju objekta, u skladu sa Zakonom o vodama i Pravilnikom o sadržaju, obliku, uvjetima, načinu izdavanja i čuvanja vodnih akata.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva ispunio minimum uslova za izdavanje vodne dozvole za ispuštanje oborinskih onečišćenih voda i tehnoloških otpadnih voda sa predmetne lokacije, te je riješeno kao u dispozitivu ovog Rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdrob, dipl.ing.građ.

Po ovlaštenju
Rukovodilac sektora za izdavanje vodnih akata



Nihad Pezo, dipl.inž.građ.

PRILOG: Glavni projekat (knjiga 3B) – benzinska stanica sa pratećim sadržajima, urađen od strane „ARHITEKT“ d.o.o. Zenica, august 2006. godine

Dostaviti:

- «AME» d.o.o. Breza, Branilaca grada bb, 71370 Breza (sa prilogom)
- ⊖ AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava